

EL MAESTRO TISSY Y FRANKLIN FOR DI HULANDA

Special pa temporada di Carnaval



Na Curacao tur aña pa Festival di Tumba e agrupacionnan tin hopi problema pa haña musiconan di metaal (trompetista, trombonista), y cu hopi dolor di caba pa haña permiso nan ta wordo importa for di Santo Domingo, Cuba y ultimamente for di Berklee College.

Na Aruba no tin e problema aki. Aruba tin asina tanto bon trompetista y trombonista cu te asta na Hulanda nan ta causa furor. E super trombonista Arubano Tissy vrolijk cu tin su mes un orquesta na Hulanda TC and The Play Boys, a regresa Aruba cu un di su integrante

Arubano, tambe trombonista Franklin Giel.

Nan a bin especial pa reforsa Musical Time, pero nan ta cooperando en grande cu mayoria di e otro agrupacionnan tambe tanto pa Calypso contest (tambe juvenil) y Tumba contest (tambe juvenil). Di bon fuente DEN AMBIENTE ta na altura cu Tissy ta moviendo pisa cu su orquesta na Hulanda. Aruba mester ta orgulloso di e dos musiconan aki cu ta laga nan compromiso nan na Hulanda pa bin engrandece nos Carnaval musicalmente. BRAVOOO !!!!!

MILO KIER FULL E BOLO DI ROBERTO

Awor cu e sonjo di Roberto Geerman a realisa y tabata un exito rotundo, Milo Croes kier bay cu tur e bolo di Roberto. Diadomingo siman pasa den un Caiquetio rand rand di hende muha tur den un awa cu tabata yobe sin misericordia e joker farandulero a resulta den un exito nunca visto y cu por ser mira como algo historico.

Maske cuanto e awa tabata yobe toch e publico a keda pa waak e espectacular show aki. A keda demonstra un biaha mas cu prensa di Aruba ta masha keru y ta gosa di un popularidad enorme di su pueblo stima. Tur e participante nan tabata fantastico den nan jokenan y a pone e publico hari sin fin.

E gran favoritonan SCORPIO y DEN AMBIENTE no a gana debi cu pa motibonan imprevisito no a ensaya. Na caminda pa Caiquetio pura pura nan a train algun chiste y tabata bebe coñac pa calma nervio. Na yegada awa tabata cay y a fria tur e coñac.

Pa colmo riba caminda pa stage nan a dal abao for di e bicicleta dobbel cabina y perde strea di nort lubidando tur e chistenan. Pero tog riba stage nan a logra di improvisa algun chistenan cu a laga hopi hende hari te hik.

Hopi bon comentarionan tabata tin pa e duonan: Melvin Garcia y Ruben Traxx, Albert Manuela y Eric Raphael, Ivo Yanez y Patrick Paskel, Papito Raphael y Meredith Raphael, Percy Jeando'r y Roberto Geerman, Gen Gen Bislick y Juan Carlos Hill, Eric Boeldak y Ruben Croes a pone tur hende bay bar, y nan mes tabata toca y baila.

E pareha ganador indiscutible Chemmy Dubero y Lilian Felida tabata tremendo. Nan a bin cu un super come-




dia cu hopi tabata comenta cu nan tabata hasta mihor cu tur e comediantan cu Eligio Melfor a yega di bin cu ne na Aruba. For di momento cu Lilian a sali for di e porta di MOKO 30, nan tabata e gran favoritonan, y merecidamente nan a bay cu e prome joker farandulero di aña 92.

DEN AMBIENTE ta felicit e pareha aki pa nan gran presentacion. Tambe kier a gradici sra. Osyth di OMMI cu a dorna e baiskel asina bunita cu tur hende a keda ta

admira nos asina tanto cu SCORPIO a bloos perde control. No por lubida sra. Editha Feliciano cu a cose nos dashinan cu a laga nos luci como artistanan invita y cu ta solamente ta nos so TELE ARUBA a filma. Tambe no por sin gradici Treesje esposa di Scorpio y su dos Angelitanan pa e bontrato y pasenshi. Pa e organizador Roberto Geerman DEN AMBIENTE tin un consejo, no laga Milo COME bo BOLO !!!

LORD CACHETE UN SUPER COMICO




Tremendo tabata e actuacion di e comico cantante aki durante e calypso contest. Lord Cachete manera semper ta laga e publico hari y ta crea un ambiente formidable tur caminda cu e ta cu su estilo

unico di comediantes. Pa hopi aña caba for di infantil te na grandi el a sa di sali prins di carnaval tur biaha cu el a presenta.

No tin un actuacion di e comico cantante aki sin ningun hende ta keda sin hari. A bira tempo pa Cachete cuminsa bin cu su propio "one man show" den temporada di carnaval of despues.

Lo ta great tambe si Cachete y e maestro Vale Croes por combina cu otro den un show, y tambe participa hunto pa Prins y Pancho. DEN AMBIENTE tin un consejo pa Cachete, solicita pa ser un actor di comico na Hollywood California, ken sa unda bo suerte ta CACHETE ????



Semper bo tabata kier TATTOO, pero no tabata sa ken pa confia?

PROFESSIONAL TATTOOS

*Professional Design
*Safe & Steril
*Privacy

Traha bo appointment na TEL:36602



Pa cualquier ocasion
ABSOLUT VODKA
ta e bebida preferi



Agente exclusivo:
LICORES ARUBA